

遼史卷十九

元中書右丞相總裁托克托等修

本紀第十九

興宗中

十年春正月辛亥朔宋遣梁適張從一富弼趙日宣來賀甲子復

遣吳育馮戴來賀永壽節二月庚辰朔詔博囉滿達勒

原作蒲盧毛朶部

歸哈斯罕

原作曷蘇館

戶之沒入者使復業甲申北樞密院言南北二

王府泊諸部節度侍衛祇候郎君皆出族帳旣免與民戍邊其祇

候事請亦得以部曲代行詔從其請夏四月詔罷修鴨淥江浮梁

及漢兵屯戍之役又以東京留守蕭薩巴

原作撒八

言弛東京擊鞠之

禁六月戊寅以蕭寧耶律坦崔禹稱馬世良耶律仁先劉六符充

賀宋生辰使副耶律庶成趙成耶律烈張旦充來歲賀宋正旦使

副秋七月壬戌詔諸職官私取官物者以正盜論諸敢以先朝已

斷事相告言者罪之諸帳郎君等於禁地射鹿決三百不徵償小

將軍決二百以下及百姓犯者罪同郎君論八月丙戌以醫者鄧

延貞治詳袞

原作詳穩

蕭留寧疾驗贈其父母官以獎之九月辛亥朝

皇太后國舅留寧薨庚申皇太后射獲熊上進酒爲壽癸亥上獵

馬孟山草木蒙密恐獵者誤射傷人命耶律德古

原作迪姑

各書姓名

于矢以志之丙寅夏國獻宋俘以石硬砮太保果桑

原作郭三

避虎不

射免官冬十月丙戌詔東京留守蕭孝忠察官吏有廉幹清彊者

具以名聞庚寅以女直太師塔鴉克

原作臺押

爲哈斯罕

原作蘇館

都大

王辛卯以皇子庫魯噶里

原作盧幹王

生北宰相駙馬賽音巴寧

原作撒八

寧迎上至其第飲宴上命衛士與漢人角觝爲樂壬辰復飲皇太

后設以皇子生肆赦夕復引公主駙馬及內族大臣入寢殿劇飲

甲午幸中京庚子以駙馬都尉蕭呼哩原作忽列爲國舅詳袞原作詳穩十

一月丙辰回鶻遣使來貢十二月丙子朔宋遣劉沆王整來賀應

聖節乙未置拉卓卜原作撻木不姑酋長以和塔拉原作撻刺爲平章事上

聞宋設關河治壕塹恐爲邊患與南北樞密吳國王蕭孝穆趙國

王蕭固寧原作賈寧謀取宋舊割關南十縣地遂遣蕭英劉六符使宋

庚寅宋遣張洸侯宗亮薛申侍其濬施昌言潘永照來賀永壽節

及來歲正旦以宣政殿學士楊佖爲吏部尙書判順度軍節度使

事丁酉議伐宋詔諭諸道

十一年春正月戊申奉迎皇太后于內殿庚戌遣南院宣徽使蕭

特默原作特末翰林學士劉六符使宋取晉陽及瓦橋以南十縣地且

問興師伐夏及沿邊疏濬水澤增益兵戍之故二月壬寅如鴛鴦

灤四月甲戌朔頒南征賞罰令六月乙亥宋遣富弼張茂實奉書

來聘以書答之壬午御含涼殿放進士王實等六十四人禁羶銀
鬻入宋秋七月壬寅朔詔盜易官馬者減死論外路官勤瘁正直
者考滿代不治事者卽易之八月丙申宋復遣富弼張茂實奉書
來聘乞增歲幣銀絹以書答之九月壬寅遣北院樞密副使耶律
仁先漢人行宮副部署劉六符使宋約和是時富弼爲上言大意
謂遼與宋和坐獲歲幣則利在國家臣下無與與宋交兵則利在
臣下害在國家上感其言和好始定閏月癸未耶律仁先遣人報
宋歲增銀絹十萬兩匹文書稱貢送至白溝帝喜宴羣臣于昭慶
殿是日振恤三父族之貧者辛卯仁先劉六符還進宋國誓書冬
十一月丁亥羣臣加上尊號曰聰文聖武英畧神功睿哲仁孝皇
帝冊皇后蕭氏曰貞懿宣慈崇聖皇后大赦梁王洪基進封燕國
王十二月癸卯朝皇太后甲辰封皇太弟重元子尼嚕古

原作涅
魯古

爲安定郡王已酉以宣獻皇后忌日上與皇太后素服飯僧于延

壽憫忠三學三寺辛亥詔蠲預備伐宋諸部租稅一年壬子以托

歡原作吐渾党項多鬻馬夏國詔謹邊防已未宋遣賀正旦及永壽節

使居邸帝微服往觀丁卯禁喪葬殺牛馬及藏珍寶

十二年春正月辛未遣同知析津府事耶律迪里原作敵烈樞密院都

承旨王惟吉諭夏國與宋和王申以吳國王蕭孝穆爲南院樞密

使北府宰相蕭孝忠北院樞密使封楚王韓國王蕭惠北府宰相

同知元帥府事罕巴原作韓八南院大王耶律喇實原作遼西東京留守北

院樞密副使耶律仁先同知東京留守事北面林牙蕭格原作革北

院樞密副使甲戌如武清寨葦淀二月壬寅禁關南漢民弓矢已

酉夏國以加上尊號遣使來賀甲寅耶律迪里原作敵烈等使夏國還

奏元昊罷兵卽遣使報宋三月辛卯幸南京壬辰高麗國以加上

尊號遣使來賀夏四月己亥置輝發原作同跋部詳袞原作詳穩都監庚子

夏國遣使進馬馳五月辛卯幹魯博囉滿達勒原作盧毛柔部二使來

貢失期宥而遣還乙未詔復定禮制是月幸山西六月丙午詔世

選宰相節度使族屬及身為節度使之家許葬用銀器仍禁殺牲

以祭庚戌詔漢人宮分戶絕恒產以親族繼之辛亥準布原作阻卜大

王通特古斯原作秃古斯弟太尉薩哈勒原作葛里來朝丙辰回鶻遣使

來貢甲子以南院樞密使吳國王蕭孝穆為北院樞密使徙封齊

國王秋七月丙寅朔北院樞密使蕭孝忠薨特釋繫囚庚寅夏國

遣使上表請伐宋不從八月丙申謁慶陵辛丑燕國王洪基加尙

書令知北南院樞密使事封燕趙國王戊午以前西北路招討使

蕭塔喇噶原作烈葛為右伊勒希巴原作夷庚申裕悅原作于越耶律鴻

觀原作洪古薨甲子準布原作阻卜來貢九月壬申朝皇太后謁望仙殿王

午謁懷陵冬十月丁酉駐蹕中會川巳亥北院樞密使蕭孝穆薨

追贈大丞相晉國王庚子詔諸路上重囚遣官詳讞辛亥以參知

政事韓紹芳爲廣德軍節度使三司使劉六符長寧軍節度使王

子以夏人侵党項遣延昌宮使高嘉努原作高家奴讓之甲子以北府

宰相蕭惠爲北院樞密使幽王蘇克原作遂哥爲特哩袞原作惕隱

原作惕隱達嚕噶原作魯古封漆水郡王西北路招討使樞密副使蕭阿

拉原作阿剌同知北院宣徽事出飛龍廄馬分賜羣臣十一月丁丑追

封楚王蕭孝忠爲楚國王丁亥以上京歲儉復其民租稅癸巳朝

皇太后十二月戊申改政事省爲中書省

十三年春正月甲子朔朝皇太后戊辰如混同江辛未獵烏爾袞

原作兀魯館岡二月庚戌如魚兒灤丙辰以參知政事杜防爲南府宰

相三月丁亥高麗遣使來貢以宣正殿學士楊佖參知政事是月

置契丹警巡院夏四月己酉遣東京留守耶律浩善原作侯知黃龍

府事耶律烏魯斯原作歐里斯將兵攻博囉滿達勒原作蒲盧毛朶部甲寅南

院大王耶律果實原作高奏党項等部叛附夏國丙辰西南面招討

都監羅漢努原作羅漢奴詳衮原作詳鄂羅木原作幹等奏一作西郡族節

度使屈烈以五部叛入西夏乞南北府兵援送實威塞州戶詔富

者遣行餘留屯田天德軍五月壬戌朔羅漢努原作羅漢奴奏所發部

兵與党項戰不利招討使蕭布達原作普達四捷軍詳衮原作詳張佛努

原作張佛奴歿于陣李元昊來援叛黨戊辰詔徵諸道兵會西南邊以

討元昊六月甲午準布原作阻卜酋長烏巴原作鳥遣其子執元昊所遣

來援使阿雅噶原作邑改來乞以兵助戰從之駐蹕永安山以將伐

夏遣延昌宮使耶律高嘉努原作高家奴告宋丙申詔前南院大王耶

律古雲原作谷欲翰林都林牙耶律庶成等編集國朝上世以來事蹟

丙午高麗遣使來貢丁未錄囚秋七月辛酉香河縣民李宜兒以
左道惑衆伏誅庚午行再生禮庚辰夏國遣使來朝八月乙未以
夏使對不以情羈之丁巳夏國復遣使來詢以事宜又不以實對
答之九月戊辰宋以親征夏國遣余靖致贐禮壬申會大軍于九
十九泉以皇太弟重元北院樞密使韓國王蕭惠將先鋒兵西征
冬十月庚寅祭天地丙申獲党項偵人射鬼箭丁酉李元昊上表
謝罪己亥元昊遣使來奏欲收叛黨以獻從之辛亥元昊遣使來
進方物詔北院樞密副使蕭格原作革迓之壬子軍于河曲格原作革
言元昊親率党項三部來詔格原作革詰其納叛背盟蕭昊伏罪賜
酒許以自新遣之召羣臣議皆以大軍旣集宜加討伐癸丑督數
路兵掩襲殺數千人駙馬都尉蕭呼都克原作胡觀爲夏人所執丁巳
元昊遣使以先被執者來歸詔所留夏使亦還其國十一月辛酉

賜有功將校有差甲子班師丁卯改雲州爲西京辛巳朝皇太后

十二月巳丑幸西京戊戌以北院樞密副使耶律迪里原作敵烈爲右

伊勒希巴原作夷離畢巳亥高麗遣使來貢戊申蕭呼都克原作胡覲自夏

來歸

十四年春正月庚申以侍中蕭實喇原作虛烈爲南院統軍使封遼西

郡王庚午如駕鶩樂壬午以金吾衛大將軍達嚕嚕原作魯古敵爲伊

實原作乙室大王甲申夏國遣使進鵠以常侍額古德原作古得戰沒命

其子錫略原作習羅爲帥二月庚子朝皇太后駐蹕薩喇原作撒刺樂三月

巳卯宋以伐夏師還遣使來賀四月辛亥高麗遣使來貢閏五月

癸丑清暑永安山六月丁卯謁慶陵巳卯準布原作阻卜大王通特古

斯原作秃古斯率諸酋長來朝庚辰夏國遣使來貢辛巳以西南面招

討使蕭布達原作普達戰沒贈同中書門下平章事秋七月戊申駐蹕

中會川冬十月甲子望祀木葉山十一月壬午朔回鶻阿爾斯蘭

原作阿薩蘭

遣使來貢甲辰以同知北院宣徽事蕭阿拉原作阿刺爲北府

宰相十二月癸丑觀漢軍習礮射擊刺癸亥決滯獄

十五年春正月乙酉如混同江禁契丹以奴婢鬻與漢人二月乙

卯如長春河丙寅博囉滿達勒

原作滿達勒盧毛朵

界海蘭

原作曷懶

河戶來附詔

撫之三月甲申朝皇太后乙酉以應聖節減死罪釋徒以下辛卯

朝皇太后丁酉高麗遣使來貢詔諸道歲具獄訟以聞夏四月辛

亥禁五京吏民擊鞠戊午罷約尼

原作遙輦

帳戍軍壬戌以北女直詳

袞

原作詳穩

蕭郭囉

原作高六

爲奚六部大王甲子清暑永安山甲戌博囉

滿達勒

原作盧毛朵

海蘭

原作曷懶

河百八十戶來附六月癸丑以西京留

守耶律瑪魯

原作馬六

爲漢人行宮都部署參知政事楊佖出爲武定

軍節度使戊辰御清涼殿放進士王棠等六十八人甲戌西北路

招討使耶律達嚕噶

原作敵 魯古

坐賊免官秋七月乙酉幽王蘇克

原作遂薨戊子觀獲乙未以北院宣徽使

原作將富為左伊勒希巴

夷離畢

前南府宰相耶律吉遜

原作喜孫

東北路詳袞

原作詳穩

丙申籍諸路

軍丁酉如秋山辛丑禁扈從踐民田丁未以女直部長扎穆

原作遮母

率眾來附加太師八月癸丑高麗王欽薨遣使來告九月甲辰禁

以置網捕狐兔冬十月巳酉駐蹕中會川十一月丁亥以南院樞

密使蕭孝友為北府宰相契丹行宮都部署耶律仁先南院大王

北府宰相蕭格

原作革

同知北院樞密使事知伊勒希巴

原作夷離畢

事

耶律信先漢人行宮都部署左伊勒希巴

原作夷離畢

將富

原作旅墳

特哩

袞

原作陽隱

漢人行宮都部署耶律迪吉

原作敵烈

左伊勒希巴

原作夷離畢

巳

亥渤海部以契丹戶例通括軍馬乙巳振南京貧民十二月壬申

曲赦徒以下罪是日為聖宗在時生辰

遼史卷十九

遼史卷十九考證 興宗紀中

重熙十年四月東京留守蕭薩巴 按薩巴原作撒八卷八十七
有傳疑卽此人官至西北路招討使武寧郡王又卷二十五道
宗大安九年圍場都管卷二十八天祚天慶九年叛人卷二十
九保大二年伏誅卷七十二順宗傳乙辛遣害順宗五人同名
撒八

六月戊寅 按厯象志朔考戊寅係朔

九月石硬寨太保果桑 按果桑原作郭三卷二十五道宗大安
八年奚六部圖哩卷七十韓德凝傳子天德軍節度使三人同
名郭三

十月駙馬都尉呼哩 按呼哩原作忽列卷六十五公主表尙聖

宗女泰格忽烈係一人

十一年正月南院宣徽使蕭特默使宋

按契丹國志作蕭英

又按特默原作特末卷八十六有傳又卷二十五道宗大安九年南院大王同知南京留守事卷二十八天祚天慶五年駙馬南院宣徽使爲漢人行宮都部署卷七十屬國表天祚八年歸金四人同名特末

閏月耶律仁先遣人報宋歲增銀絹十萬兩文書稱貢按續通鑑綱目契丹以旣增歲幣辭當曰獻富弼持不可又曰納弼亦不可乃留增幣誓書而使耶律仁先等持誓書與弼偕來且議獻納二字仁宗用晏殊議以納字許之遂撤兵通好如故史作文書稱貢紀載失實

十二年五月幹魯部使來貢

按幹魯卷六十九部族表作幹朶

係一部